



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XI.

urn:nbn:de:hbz:466:1-11453

rita: vt alio loco rex cum robore exercitûs, alio etiam
 auxiliares tenderent: & tertio loco suis erant in ca-
 stris, qui stipendia mererent. Adijciunt Gallici: regem
 obsidionis pertasum, duxisse partem copiarum in West-
 phalos Anglarios: qui malis coacti, cum Brunone du-
 ce fecere deditiorem. Caterum copiarum partem vl-
 tra Visurgum misit: quæ vastatione grauisima perpu-
 lgentem, vt cum Hasino duce suo obsides darent, sa-
 cramenta adijcerent, se imperata facturos. Sed ipsi
 Gallici fidem narrationis sua voce alleuant: Quæ enim
 sacramenta præstarent, perfidi Christo?

CAPVT XI.

CVM per annum LXXVI. rex in Italiam reuo-
 caretur, firmis præsidijs arces Saxoniæ, vt in fi-
 de plurimum contineret, antè communiuit. Saxones
 longè regem abesse scientes, ad libertatem pristinam
 respexerunt: arcem Siborg oppugnârunt: minisque
 grauisimis intentatis, terrere custodes Francos instite-
 runt: sed neque minis, neque vi armorum praualue-
 runt. Ibi frustrati, ducunt in arcem Mersborg, quam in
 ripa Lupiæ scribunt Galli extitisse: ibi oppugnatione
 instituta grauisima, cum expugnari custodes iamq;
 formidarent, apparuere duo supra ecclesiam loci, scu-
 ta sanguinea magno terrore velut flammantia. Id si-
 gnum conspicati Saxones, terrore concussi, vertuntur
 in fugam: & nemine insequente, mutuis se incursoni-
 bus prementes, magna ex parte confoderunt. Sed in-
 terim rex in Italia rebus pacatis, Wormatiam descen-
 dit: ibiq; renouatis viribus tendebat in Saxoniam, ma-
 gnis vbiq; motibus obuia subuertens. Sed cum ad Lu-
 piam fluium peruenisset, fixis ibi castris substitit. Quo
 in loco oratores illum adeunt ex prouincia, pollicen-
 tur

tur quæ imperaret, se facturos: Nihil ille nisi quod salu-
tis, quod prosperitatis illorum sit, deponere testatus, ro-
gat, si volunt sacræ subire baptismi. Illi nihil recusant.
Igitur tum magna multitudo virorū ac mulierū, cum
paruulis, sacro fonte tingitur. Rex firmatis denud,
quæ conquassata erant, arcibus, & impositis pro tempo-
rum necessitate militum presidij, redit in Frāciam. Et
quia cordi eius penitus infederat, gentem in religionem
firmare, proximo anno redijt Padeburnam: ibiq, con-
sedit: euocatis ad se gentis per Westphaliā primoribus.
Venere non pauci: Sed Wædekindus omnium pri-
marius, cum videret suos à facie regis contritos, ne-
tamen adhuc animum potuit inclinare religioni, pro-
fugit ad regem Danorū Sigefridum, auxilia deprecari
ex illo, quando à suis desertus videretur. Interim res
multos iussit baptizari: & missa suorum manu, Angri-
am præcipuam Wædekindi arcem iussit in ditionem ac-
cipere: Quia iam in potestatem redacta, in Osnaburg
primum constituit Saxonie episcopatum: ut habere
gens, se absente, diuinarum rerum præsidem, & salu-
tis aeternæ curatorem. Adhuc autem rex in Padeburna
manebat, cum illum ex Hispania Saracenorum adiu-
runt oratores: quos cum audisset, datis ad currentium
rerum ordinem responsis, dimisit: ipse proximo anno
instructis copijs, cum Saxoniam abundè communijs
videretur, Hispaniam petiuit: pulsisque Saracenis
Vasconiam & Pampiloniam recepit. Dum autem il-
le longius abiisset, Wædekindus Danorum fultus auxi-
lio, suos quoque Saxones ad rebellionem concitauit.
Itaque in fines Hassonum vsque ad Rhenum vasti-
bundi pertenderunt: & quicquid à Tuitio ad Moganti-
æ est prouincia, totum igne ferroque fœdauerunt. Sa-

rex Alemannos Sueuos per literas excitans, illis immisit: qui cōserta pugna, magnam in Hassia stragem peregerunt.

CAPVT XII.

Per proxima tempora Carolus in orientali Saxonia vltra Visurgum constituit genti episcopum in loco Salingstede, nunc Osterwyck: consecrari iubens ecclesiam in honorem sancti Stephani: qui episcopus longè pōst in Halberstadium est translatus. In arce Hartesborg idolum coluere Saxones, cui nomen Krodo: Saturnum hunc dixere Latini: Senem in pisce stantem, qui rotam teneret & urnam: in rota vnionem populi, in urna rerum significans abundantiam. Sed Carolus subuertit. Remansit autem inter Saxones execrationis vocabulum, vt in detestationem rei pessimæ dicant, Krodo. In loco autem vbi Ora & Albis confluunt, euocatis Saxonum & Dandalorum primoribus, fœdera rex inter eos constituit, quæ per absentiam eius obseruarent. Inde rursus in Italiam transiit: & in ea peregrinatione ille exactus est annus, qui erat post septingentos LXXXI. Reuersus ex Italia Carolus, venit Wormatiam: ibique consistens, iussit adesse Tassilonem Bauariæ ducem: qui duodena manu regi fidelitatem iurauit: sed reuersus in prouinciam, non diu perstitit in fide. Rex verò in Saxoniam iterauit expeditionem: & ad Albim fluuium in castello Megedeborgphanum subuertit, quod illi loco nomen dedit. Has ego reliquias crediderim Romanæ olim religionis, verius superstitionis: cum Drusus Nero, & deinde filius eius Germanicus, sub Augusto Cesare præessent prouincia. Simulacrum tale fuit: Stabat in curru nuda fœmina, myrtea caput cincta corona: ardentem